

tānispīhḱ kakī-kakwēcimik kīkway simākanis.

ōki simākanisak kakī-kakwēcimikwak kīkway pik-wiyispiḱh, māka piko ka-wihtamawacik kiwiḱhowin, māka tahtwāw kā-nakiniwēcik simākanisak, pah-pitos ka-isi-kakwēcihkēmowak. ēkwa ōma masinahikanis namōya kahkiyaw masinahikātēw tānisi ē-āyitahkamikak owēyisiwēwinihḱ ēkwa tahtwāw awiyak simākanisa kā-kakwēcimikot pah-pitos ka-ispayin.

kīspin simākanisak ka-kakwēcimiskik kiwiḱhowin

Piko ka-wihtamawacik kiwiḱhowin kīspin

- ▶ kiwāpamikwak ē-māyiniḱēyan
- ▶ ē-itēyihḱakik kiya kā-māyiniḱēyan
- ▶ ē-itēyihḱakik kiya awiyak kotak kanitonawācic

Kīspin ēkāwiya wihtamāwatwāwi simākanisak kiwiḱhowin kākī-

- ▶ otinikwak kah-kakwē-kiskēyitahḱik kiwiḱhowin
- ▶ kā-owēyasiwātikowin ē-kiyāskīkawacik simākanisak

kīspin ēkāwiya ē-kiskēyitaman tānēhḱi simākanisak kah-kakakwēcimisk kīkwāya

kakī-kakwēcimāwak tānēhḱi ka-kakwēcimisk kīkwāya ēkosi kanisitōtēn tānēhḱi kakakwēcimisk.

Kīspin ē-nakinikawīyan sēkēpayisihḱ

Kīspin ē-nakinikawīyan sēkēpayisihḱ ē-pamih-cikēyan āhpō ē-mohci-pōsiyan, piko

- ▶ ka-wihtamāwacik kiwiḱhowin
- ▶ ka-miyacik kipamihtāwasinahkan āhpō kisēkē-payisimasinahikan āhpō
- ▶ kīspin ē-tāhḱipayicikēyan, piko ka-wih-tamāwacik tānisi ē-isi-tāhḱipayicikēyan

kīspin ēkāwiya ēkosi ē-itohtamāni kakī-owēyisi-wātikowin namōya kwēyask ē-wihtaman.

Tānispīhḱ kākī-nitonikātik- wak simākanisak

Simākanisak kākī-nitonikātikwak kīspin

- ▶ ē-otinikawīyan
- ▶ ē-itēyitakik ēminḱwēyan, ē-kīskwēyāpasōyan āhpō paskisikana ē-pimōhtatāyan
- ▶ ē-tāpwēyitaman ka-nitonikātikowīyan

tānispīhḱ kakī-otinikwak simākanisak.

kīspin simākanisak ē-ayācīk masinahikan ē-nitonākawīyan āhpō ē-masinahikēyan ohci kīkwāy owēyisiwēwinihḱ

ēwāko ōma masinahikan ē-nitonākawīyan ē-masinahikēyan ohci owēyisiwēwikamīkohḱ māna owēyisiwēwiniw masinaham, ēkosi simākanisak kakī-otinikwak,

- ▶ ka-wāpahḱahikwak ē-ayācīk ōma masinahikan āhpō
- ▶ ka-wihtamākwak ē-ayācīk ōma masinahikan

kīspin simākanisak namōya ē-ayācīk ōma masinahikan

Pēyakwan kakī-otinikwak kīspin namōya ēkā ē-ayācīk ōma masinahikan

- ▶ kīspin ē-misi-māyiniḱēyan
- ▶ kīspin ē-itēyihḱakik kiya kā-māyiniḱēyan āhpō ē-wī-māyiniḱēyan
- ▶ kīspin ē-itēyihḱakik ē-ayācīk ōma masinahikan ē-masinahikēyan

Kīspin namōya mētoni māyiniḱēwin, simākanisak kakī-otinikwak sēmak namōya kāhḱatac ōma masinahikan kā-ayācīk kīspin ē-wāpamiskik ē-māyakamīsiyan ēkosi piko

- ▶ kakwē-kisēyihḱahḱik kiwiḱhowin
- ▶ ka-nakiniskik ēkāwiya ayiwāk ka-māyakamīsiyan
- ▶ ka-nakiniskik ēkāwiya ka-misi-wanācihtāyan kīkwāy ohci ōma kā-māyanikēyan
- ▶ ka-kakwē-kēhcināhocik ē-wī-itohtēyan itē kawēyisiwātikowīyan

ēkwa māna simākanisak kākī-otinikwak ohci atiht ka-māyiniḱēyan ka-pamicikēyan āhpō minihḱwēwin ka-pimōhtatāyan namōya kahḱatac ka-ayācīk owēyasiwēwinasinahikan.

tānisi kakī-isi-otinikwak simākanisak.

Simākanisak kitotinikwak ka-nitawi-ḱipahīkāsoyan. Māka piko simākanisak

- ▶ ka-wihtamāskik wiyawaw simākanisak āhpō ka-wāpahḱahisik masinahikanis owīhowiniwāw ē-masinahikātēyik
- ▶ ka-wihtamāskik ē-wī-otinikawīyan
- ▶ ka-wihtamāskik tānēhḱi ē-wī-otinikawīyan
- ▶ piko kwēyask ka-wihtamāskik ēkwa namōya kakī-sipwētētān

namōya simākanisak kakī-sohḱi-paminikwak ispiḱh kā-mēkwā-otinikawīyan, māka kīspin ēkāwiya tāpwētamani

ēkota kakī-sohḱi-paminikwak kā-otiniskik

Ka-otiniyawian ispihk

tânisi mâna ê-ispayihk kîspin ispihk masinahikan kâ- miyikawian ka- owêyisiwâtikawian anima kâ-mâyinikêyan

Anima masinahikan ka-miyikawian. ka-owêyisiwâtikawian êwako anima simâkanis ê-itwêcik kiya anima kâ-mayinikêyan.

Simâkanisak kakî-miyikwak anima masinahikan ka-owêyisiwâtikawian namôya kahkatak ka-otiniyawian. kîspin otiniskâsiwiyani pâyakwân kakî-miyikwak anima masinahikan ka-owêyisiwâtikawian êkwa ka-pahkitinikwak

kîspin kimiyikawin anima masinahikan ka-owêyisiwâtikawian mâka namôya ê-otiniyawian simâkanisak kakî-miyikwak masinahikanis ê-wi-itohtêyan anima ita ka-owêyisiwâtikawian

êkoni ôhi owêyisiwâsinahikana kâ-itastêhk

- ▶ tânispihk êkwa tânitê ka-owêyisiwâtikawian
- ▶ êkwa tânispihk ka-itohtêyan simâkanisiwikamikohk ka-nitawi masinipayikawian êkwa kicichiya wanaskocicânihk ka-ayêsihtihkak êkota.

Kîspin êkawiya-itohtêyan ispihk ka-owêyisiwâtikawian âhpô simâkanisiwikamikohk âsamîna kotak masinahikan kakî-miyikawin osâm namôya ê-ohci-itohtêyan ôhi kotaka, êkwânima kâ-isiiyhkâtêk "failing to appear"

Simâkanisak cî kakî- kanawêyimikwak kipahôtowikamikohk

Kîspin ê-otiniyawian êkwa simâkanisak namôya ê-ayâcik anima masinahikan ê-masinahikêyan ohci owêyisiwêwinihk pâyakwan kakî-kipahokwak kîspin ê-itêyihkâtêk êkosi piko-ka-isi-kiskêyihkâtêk

- ▶ kiwihowin
- ▶ ka-nakiniskik êkawiya ayiwâk ka-mayakamisiyan

- ▶ ka-nakiniskik êkawiya-ka-misi-wanâ-cihtâyan kikway ohci ôma kâ-mayinikêyan
- ▶ ka-kakwê-kêcinâhocik ê-wi-itohtêyan itê ka-owêyisiwâtikawian

Kîspin simêkanisak kanawêyimiskwâwi kipahôtowikamikohk piko ka-nâtisawâ-cik owêyisiwêwiniw

- ▶ mayâw kaskihtatwâwi ka-nâtisawâ-cik
- ▶ ayâwak nîsitanâw ayiwâk nêwo tipahikan

Owêyisiwêwiniw ka-owêyisiwêw mâhti ka-pahkitiniyawian âhpô mîna ka-itasiwêw kîkwây ka-pimitisahaman pahkitiniyawian.

Mâka kîspin kanawêyimiskwâwi kipahôtowikamikohk simâkanisak sêmâk kakî-natisawâw onâtamâkêw(opikiskwêstamâkêw)

kinohtê-nâtisawâw cî onâtamâkêw (pikiskwêstamâkêw)

Kîspin ê-otiniyawian sêmâk kâ-nâtisawâw awa onâtamâkêw(pikiskwêstamâkêw). Awa onâtamâkêw(pikiskwêstamâkêw)

- ▶ kakî-wihcihik kwêyask owêyisiwêwinihk kîkwây ohci ka-nisitohtaman
- ▶ kakî-wihcihik mahti ka-masinahaman anima masinahikan simâkanisak kâ-nohtê-kiskêyihkâtêk tânis ê-isi-mâyinikêyan
- ▶ kakî-wihcihik ka-pahkitiniyawian kîspin simâkanisak ê-kipahoskik.

Tânisi kâkî-isi- wihcihikawin owêyisiwêwinihk kîspin ê-otiniyawian.

Kâ-kakwêcihkêmon tânehki kâ-otiniyawian.

Kîspin ê-wi-owêyisiwâtihkawian, kakî-kakwêcihkêmon tânehki kâ-wi-owêyisiwâtihkawian.

Piko ka-pahkitiniskik onâtamâkêw (pikiskwêstamâkêw) ka-nâtisawat êwako ôma kiya kikimiyakawin ohci owêyisiwêwinihk.

Mâka piko

- ▶ piko sêmâk ka-wihtamâskik onâtamâkêw(pikiskwêstamâkêw) kakî-nâtisawâw.
- ▶ piko sêmâk ka-wihtamâskik kakî-kih-totâw piwâpiskos ana kâ-wihcihitâ-sot tânis owêyisiwêwinihk ê-isi-wihcihik awiyak kâ-wi-owêyisiwâtihk.
- ▶ piko sêmâk ka-wihtamâskik ana onâtamâkêw(pikiskwêstamâkêw) kâ-nâtisawâw namôya kahkatak ka-tipahawat.
- ▶ piko ka-pakihtiniskik kakî-nâtisawâw ana onâtamâkêw(pikiskwêstamâkêw) kâ-nohtê-nâtisawat.
- ▶ ôki simâkanisak piko ka-pahkitiniskik ka-kakwê-kâhcitinat ana onâtamâkêw (pikiskwêstamâkêw) âhpô kîspin ayiwâk pâyakwâw kakwê-sêwêpitamawaci.

Kîspin ê-misi-mâyinikêyan ôki simâkanisak sêmâk ka-nitawi-masini-payikwak êkwa kicichiya wanaskocicânihk ka-ayêsihtihkak êkota pâmwêyas ka-takosinit simâkanisiwikamikohk ana ka-nâtisawat nâtamâkêw(pikiskwêstamâkêw)

Namôya kahkatak ka-pikiskwêyan êwako ôma kiya kikî-miyakawin ohci owêyisiwêwinihk.

Êwako ôma kâ-itastêk

- ▶ mâka piko ka-wihtamâwacik kiwihowin simâkanisak
- ▶ namôya kahkatak kîkwây kanaskwê-taman ka-kakwê-kakwêcihmiskik ôki simâkanisak
- ▶ namôya kahkatak kîkwây ka-wihtamâwacik ôki simâkanisak, âhpô namôya kahkatak kîkwây kamasinahan

Êwako ôma kâ-itwêcik owêyisiwêwinihk kîspin kîkwây wihtamâwatawi simâkanisak êwako kakî-ahpacihkâtêk ka-owêyisiwâtiskik. Êwakoci piko ka-kitotat nâtamâkêw(pikiskwêstamâkêw) pâmwêyas

Kîkwây ka-wihtamawacik simâkanisak.

Ka-otinikawiyān ispihk

Kikwāyi ka-itohtaman kispin pāmwayēs ē-itahtopiponēyan ayinānēwosāp.

Kispin ē-itahtopiponēyan nisosāp isko ayinānēwosāp

- ▶ namōya kahkatak kikwāy ka-wihtamāwacik simākanisak māka piko ka-wihtamāwacik kiwihowin
- ▶ ēkwa kikwāy wih tamāwatāwi ōki simākanisak ēwako kākī-ahpahcihtāwak ka-owēyasiwātiskik ispihk owēyasiwātikawiyani owēyasiwēwinihk.

Ēwako ōma kā-itastēk

- ▶ kiya kiki-miyakawin ohci owēyasiwēwinihk kākī-nātisawāwak kikwāyiw ēkwa kohtāyiw āhpō awiyak ka-kanawēmisk ē-otinikawiyān.
- ▶ piko sēmak ka-wihtamāskik onātamākēw(pikiskwēstamākēw) kākī-nātisawāw pāmwayēs kikwāy ka-wihtamāwacik simākanisak māka piko ka-wihtaman kiwihowin ēkwa tānitē ē-wikiyan.
- ▶ kiya kiki-miyakawin ohci owēyasiwēwinihk ka-kitotacik kikwāyiw ēkwa kohtāyiw āhpō awiyak ka-kanawēmisk pāmwayēs kikwāy ka-itacik simākanisak
- ▶ kispin kikwāy wī-wihtamāwatawi ōki simākanisak, ēkoni ōhi kā-isiihkātēki kiya kiki-miyakawin ohci owēyasiwēwinihk ka-nātisawat onātamākēw(pikiskwēstamākēw) ēkwa ka-nātisawacik kikwāyiw ēkwa kohtāyiw āhpō ana ka-kanawēmisk ēkota ka-ayācic kispin ē-wī-wihtamāwacik kikwāy simākanisak.
- ▶ kiya kiki-miyakawin ohci owēyasiwēwinihk ka-wihtamākawiyān ōhi tānisi ē-wī-isi-owēyasiwātinkawiyān ōma ohci kinēhiyāw pikiskwēwin ēkosi kwēyask ka-nisitohtēn.

Kikwāyi ka-itōhtaman ēkosi ka-miyopaminikawiyān.

Kispin simākanisak ki-māyipaminikwak

kispin ē-itēyih taman namōya kwēyask ē-otinikawiyān ēkwa namōya kwēyask ē-nitonikātikawiyān

- ▶ ēkāwiya kakakwē-ānwēhtāw ōki simākanisak
- ▶ wih tamāw ōki simākanisak namōya kwēyask ē-itōtakik anima kā-isi-māyi-paminiskik ka-otinikawiyān ēkwa ka-nitonikātikawiyān.

māka kispin ēkāwiya ē-tāpwētaman ka-otinikawiyān ēkwa ka-nitonikātikawiyān, pēyakwan simākanisak kākī-miyakwak anima masinahikan ka-owēyasiwātikawiyān ōsam namōya ē-tāpwētaman ka-otinikawiyān ēkwa ka-nitonikātikawiyān

Kispin ē-itēyih taman namōya kwēyask ē-paminiskik simākanisak

- ▶ kiyām namōya nānitāw itohta
- ▶ wih tamāw ōki simākanisak namōya kwēyask ē-itōtakik anima kā-isi-māyi-paminiskik
- ▶ kā-kakwēcihmāwak owihowinwāwa ēkwa anima kā-otinēn ahkihcik-wēwina kā-potiskakik.

Kispin simākanisak ki-māyipaminikwak sēmak

- ▶ kākī-wāpamat onātamākēw(pikiskwēstamākēw)
- ▶ āhpō mīna kākī-itisahamāwawak ōki kā-isiihkāsocik Saskatchewan Police Commission (787-6518), or the RCMP Public Complaints Commission (1-800-661-3601)

tānisi kā-isi-nātisawāw onātamākēw/(pikiskwēstamākēw)

- ▶ kā-kakwēcihmāwak ōki simākanisak ka-miyiskik masinahikanis tānihtato onātamākēwak(pikiskwēstamākēwak) ē-ayācic ēkota ka-wihcihitāsocik
- ▶ kākī-kihtotāw piwāpiskos ana kāwihcihitāsot tānisi owēyasiwēwinihk ē-isi-wihcihcik awiyak kā-wī-owēyasiwātīt.ōta (306) 374-3215 , pēyakwan mīna kākī-nātisawāw kā-poni-atoskēk.

- ▶ Āhpō mīna kākī-nitonawāw anihta sēwēpicikanasinahikan awa onātamākēw(pikiskwēstamākēw) kā-tasihkak anima awiyak kā-misi-māyinihkēt
- ▶ kākī-kihtotāw piwāpiskos ana onātamākēw(pikiskwēstamākēw) wihkihk āhpō mīna kā-poni-atoskēk
- ▶ kākī-kihtotāwak piwāpiskos anita onātamākēwak(pikiskwēstamākēwak) kāmasinahikāsocik ēkwa kākī-kakwēcihcikēmon wihowin ana awa onātamākēw(pikiskwēstamākēw) kā-tasihkak anima awiyak kā-misi-māyinihkēt ēwako ōma, namōya, ka-tipahikān sēwēpitanamōwaci onātamākēw/pikiskwēstamākēwk ēkota itisaha 1-800-667-9889
- ▶ āhpō mīna kākī-itisahamāwawak ōki kā-isiihkāsocik Saskatchewan Legal Aid Commission, kispin ēkāwiya kikaskihtān katipawat ana onātamākēw(pikiskwēstamākēw), māka piko kākī-kihtotāwak piwāpiskos kā-mēkwa-atoskēcic , ēkota ōma namōya katipahikān ka-sēwēpihtamawat 1-800-667-3764